



Poex: 1246





2530


1869 11. 387











Frid. Zamell

EPIGRAMMATUM

Liber VII. & VIII.

Typis Wendelini Bodenhausii anno M. DC. XLI.

Ad Lectorem.

CArminis æternam peperit mihi Svecia famā.
Inde mihi, Lector, gloria prima fuit.
Et licet errârit versûs infantia nostri
Regibus in veris, nunc malus error abest.
Sarmatiæ Reges & rerum conscia Regni
Pectora cantamus : quos liquet esse Gothos.

PERILLVSTRI NEC NON GENEROSISSIMO
DOMINO,

DN. SIGISMVND O GVLDEN-
STERNIO Lib. Baroni in Vogelvvick & Lun-
delholm S. Reg. Majest. Poloniæ ac Sveciæ Con-
siliario intimo, Præfecto Stumenfi &c. &c.

Ngratus essem, Domine Perillustri &
Generosissime, si amoris Tuo in me singula-
ri non responderem qualicumq; meo in Te
officio: præsertim cum cœperit is nec dum
me cognito: ab eâ causâ, quæ æterna esse
potest, donec erimus. Literarum enim
consuetudine eruditorumq; commercio non
parùm delectatus, etiam in me rei honestis-
simæ conatum amplexus es. Sed cum he-
roum sis sanguis, Palladi verò rite litaveris; Te & facere, quæ
genere Tuo digna sunt, & ea sentire, quæ optimum quemq; senti-
re convenit; id verò in Te peculiare est. Quapropter quale Tuum
de aliis, aliorum de Te sit iudicium, cum ratione res ipsa loqui-
tur. De quo iudicio Tuo quamtopere mihi gratuler, nihil nunc
dicam; ne, si obrectaverint ideo improbi, vituperent eò magis
boni. Igitur illa. Me quod attinet, postquam Tibi me deyin-
ctum sensi, hosce Epigrammatum meorum libellos Tui nominis
auspicio edidi; exoluturus quo volui, quo potui. Tu vir Perillu-
stris, fronte, linguâ, animo, queis soles; lege, fave, fove. Tui
nunc illi sunt, quos emancipavi; ut Tuo in patrocínio, Tuâ sub ma-
nu conquiescerent. Musis interea puellis meis injunxi, uti Te in-
tra gaudia vel otia Tua, nullatenus ultra occupent. Namq; ut ne-
gotiorum Tuorum moles, ubi incubuit, nec admittere eas potest;
ita nec admitti herus earum postulat. Abunde illis est, commo-
dum placuisse: nempe cum paullùm discussis curarum nebulis Tibi
precarîo vixeris. Nec ignota Tibi indoles huius chori, qui non
tam ingenii honore commendari satagit, quàm verecundiæ nomi-

ne. De partibus duntaxat meis in Te colendo mihi sermo est : etsi, quæ aptissima est oportunitas, talem Te semper offenderim, qualem Te numquam non fore inter summiæ benevolentiae argumenta professus sis. Docuisti nimirum, & Tecum clarissimus popularis Tuus, qui Te primus ad amandum me impulit, in iisdem habitare animis Gratias, qui Camœnis patuerint. Cui viro majoribus auspiciis eunti, perq̃ egregia literarum monumenta Famæ templum ingresso quid referam? Noverit tamen ille amoris sui pignora mihi curæ esse, & coli non minùs à me illustrem Borastéi nominis memoriam. Cæterùm Epigrammata pollicitus sum: quorum mensuram egrediuntur rejecti in calcem Elegi. Veniam dabit lector candidus, qui non ex modulo sed seopo rem æstimaverit. Tusculus neglectis nepotibus paria se cum Abrahamo Thariade facere stolidè asserendo impietatem prætexere non erubuit. Mihi constitutum est, magnificentia & aliis Abrahæ bonis artibus tum insigni erga Deum religione fusiùs expositâ ostendere, quàm nihil habeat simile lurco injustissimus. Et quidem epulum ille conquiritissimum instruxerat: sed familiæ, sed viris deinde virtute atq̃ autoritate præstantibus, suo deniq̃ tempore: hic in levisimos homines adeoq̃ nullius pretii quotidie profusus est. Verùm Perillustris ac Generosissime Domine, id unicè opto; ut qualibus novum hunc annum incoasti, Tibi porrò secundæ sint aves: quin imò Te ipsum Tuis Reiq̃ publicæ ac bonis omnibus fospitem ferveret is, qui condidit. Drusopoli anno sal. n. M. DC. XLI. IV. Cal. April.

*Perillust. dignit. T.
observantis.*

Frid. Zam.

Ad Peril-

Ad Perillust. Dn. Sig. Gulden-
sternium &c.

Dum potius liquidâ ter Hippocrene,
Terq; undâ Claron irrigante Vates
Major sorte meâ per alta Pindi
Non vanâ ingredior vebente pompâ;
Suspectæ pavidum tenent salebræ,
Et densum nemus, & vago Cithæron
Percussus pede, barbaroq; thyrso,
Vicini resonans per antra montis.
Guldensterniade genus regentum
Terras, quas Cynosura summa lustrat,
Da dextram facilem, nec Aurearum
Stellarum occule prævium nitorem.
Res est, ut nemorum juvemur umbris,
Nec silvis tamen insit horror ipsis,
Evitare malæ venena linguæ,
Non occurrere Manadum furori.
Namq; & quâ suboles eunt deorum,
Bacchantum satis undiquaq; turbæ est.

Ad Eumdem de Potentissimo Principe
Vladislao IV. Polon. ac Sveciæ Rege.

Acer ut Ismarium Rex Vladislaus in hostem est.
Sic bonus & clemens dicitur esse suis.
Sæpe meo supplex accessi carmine. Vidit.
Nescio sed satis an legerit ille deus.
Guldensterniade quid non potes optime fautor?
Sat cum Rege loqui Zamelioq; Tuo.

Illustri Admodumq; reverendo Domino
Gregorio Borasto Canonico Varmienfi, Sacrae
Regiae Majest. Poloniae & Sveciae
Secretario.

Adspecte, quae sine Te Muretus praemia sumat.
Et Venetae Bembus conditor historiae.
Restituit Romae linguam Ciceronis uterq;
Ortus at hic Italici ortus & alter avis.
Hoc quoq; Tu praestas, Gothica sed missus ab Arcto.
Adferre nunc laudes, magne Boraste, Tuas.

De Illustri Admodumq; rever. Domino
Iohanne Vastovio Canonico Varmienfi &c.

Curia quem stupuit dudum Romana loquentem.
Vastovium his oculis lux hodierna dabit.
Musa Sifertinas adeamus protenus aedes,
Nulla profecturi causa moratur iter.
Vna sed haec superest: cum legerit ante libellos
Ille meos, Vatem vult quoq; nosse Tuum.

Spectabili atq; Amplis: Dom. Sigismundo
Megerisio Cons. Elb. Collegae opt.

Nate Bono Patriae, Megerisi industrie, qui Rem,
Quam Consul genitor polluit, arte juvas:
Tunc rogare potes, quod non sine crimine ceptum est?
Quod mihi, si merui, criminis instar erit?
Carmina condidimus: sunt qui licuisse negabant.
Dicar utut Spartam non abiisse meam.
At si tantus amor patrii Tibi Vatis inheret;
Accipe secessus otia tota mei.

Volve

*Volue sub occasum tunc Te invitantia Solem.
Manè volunt condi, vespere nostra legi.
Sed superes, sospesq; mei tuearis amorem:
Ac Laris & Patriæ sis MEGARIZA Tuæ!*

**Spectab. & Consultis: viro Dn. Matthiæ
Richtero Reip. Elb. Syndico, P. præst. cùm
primùm Elbingam appulisset.**

S*Alve Ælvæonii mens ô consulta Senatûs
Matthia, turbæ deinde Poëta meæ.
Tanta Tuis humeris cùm stet fiducia rerum,
Improbat in studiis nil mala lingua Tuis.
Astrue jus nostrum dextrâ sub vindice Regum:
Constet ut in Vatum cordibus esse Themin.*

Ad Illustr. Dn. Greg. Borastum.

Q*vando meum vises, venerande Boraste, patronum?
Nuper is, heu Charitum tertia, dixit, abest!
Hæc quoq; subjecit: Tu carmine nocte, Zameli.
Mox sacer in nostro carmine nexus erat.
Ducite Varmiaca mea carmina ab arce Borastum.
Iam venit: hoc præstant pharmaca Vatis, amor.*

De hortis Magnifici & Nobiliss. Dni.

Israëlis Hoppii Præcos. Reip. Elb.

I*N Hoppianis Musa si quieveris
Hortis, nemorum & aquarum erit compendium:
Quo nil Poëta Tuus videt jucundius,
Quoties domûs suæ dietâ prospicit.
Nec vetat herus. Suos sibi hortos asserit:
Sed ut fruatur secum, libenter annuit.*

Excel-

Excell: viro Dn. Danieli Visnero Reip.

Elb. Archiatro.

Visnere, candidum cor, atq; Drusie
Caput manusq; latrices; si quid fidem
Advorsus antiquam priusq; vinculam
Nos suspicemur mutuo alter de altero,
Id iusta facinus vindicet Rhamnusia.
De me: ædepol nec amoribus cupiam Tuis
Exsolvier; nec, si forem tam lubricus.
Carere possem Te meo Æsculapio.
Amemus ut Boni. Profanum nomen est
Virtus, nisi inter optimos exercita.

Ad Paullum.

Semper aperta Tibi nostri penetralia tecti,
Paulle, subi: veniam parce rogare. Licet.
Quæris & an dominus Larium non respuat umbras:
Sig; ferat, Tecum posse venire duas.
Admitto: sed ne mendacis prima Philippi,
Altera vinosi pota sit umbra Petri.
Egregias animas Theodorum Aramæa professum,
Et Thoman, Hellas quem vetus ornat, amo.
Ille per Assyrios deducet secula fastos,
Hic per Achivorum Romulidumq; duces.
Duc istos. O quàm gratis mihi transiit horis
Integra nox, quoties hi rapuere diem!

Causæ forenses.

Quæritis, unde novas habeat discordia vires?
Vnde sit hic ignis, quo flagrat omne forum?
Primum hoc, quid liceat, rogat ante negotia nemo:
In jus, cum res est acta, frequenter eunt.

Fœcunda

Fœcundæ lites quos non habuere patronos?

Quæ domus à domini morte quieta fuit?

Ignorant animi non missi in munia legum,

Quantùm dissideant stirps patre, fratre soror.

Quæ per caussidicas ineantur prælia linguas,

Quid dirimat iudex, arbitriumq; virum.

His functus toties ad pristina vota recurro.

Solvite me, Patres: detur abire foro.

De iisdem.

Non satis est, Proceres, populi decidere causas,
Cùmq; sat impensum est, litis inire modum.

Quid stupet ambiguus decreta recondita iudex,

Et Phœbi tripodas templa Themistos habent?

Ne pereant Cives, aut regnet lingua Mathonis,

Quæ lex non caret hoc, non satis illa proba est.

In Titium.

Ipse mihi felix stultè negor esse beatus.

Nempe negat Titius, qui sapit omne Sophos.

Qui putat esse nihil quod tractavere Poëta,

Et nihil in studiis, quod juret, esse meis.

Qui, quod Merga putat, putat hoc quoq;: pulcrius ipsa

Esse nihil, quàm nil fœdius esse puto.

Frons illi brevis est, nasus prolixior æquo:

Sunt oculi, quales ursæ Libystis habet.

Os laxum, scabri dentes, mentumq; profundum.

Arentesq; genæ, tactaq; Sole cutis.

Quid memorem, quæ nota quidem sed veste teguntur?

Sed sua sint Titio, sint mea pulcra mihi.

B

Ad

Ad Marcionem.

Sæpius invito Te, Marcio: sæpe reponis,
Venturum astricti læve per æquor Habi.
Tunc datur exiguis glaciem transmittere rhedis,
Atq; horis Gedano Drusida adire tribus.
Sed quota bruma ruet? cave ne quis dixerit olim:
Hic quem Tu quæris Druside, mortuus est.

Perillustr: Dn. Sigis. Guldensternio
in festo Chr. natalitio.

Dum Tuus ad Christi properat cunabula Vates,
Eligit Eoos inter adire Magos.
Ortus ab lapeto cur non ducentibus astris
Mistus eat doctis Principibusq; viris?
Causa subest potior. Nam tunc securius ibit,
Quod simul hanc facies Stelliger ipse viam.

Christi recens nati exosculatio.

Salve nate Deo, Deus idem altissime, nunc &
Virginis intactæ pupe, meumq; genus:
Quid prius admirer? Tene hoc centone jacentem,
An tot opes, quas hoc porrigis ore, manu?
Te, quoniam in vitas, amplector & omnia, quæ fers:
Nec metuo in domini proruere oscula mei.
O quantum ætherii, mi lesule, nectaris afflas!
O quàm dulce, suo figere labra Deo!
Non ego vos ceras & ficta sigilla requiro.
Tam mihi formosum ridet ab arte nihil.
Qui superum nos sede locat Genitore reducto,
Ipsum ego in his ulnis Christum animoq; gero.

De Habo Elbingensium lacu, Tolco-
mitanorumq; oppido.

Propter aquas habitat, rivi quem vendicet exors,
Piscator nostri Tolcomitensis Habi.

Advehit Elbingam pisces obnoxius urbem,

Debitaq; indicto porrigit æra die.

Sed dolet esse sibi nullum ipso in littore litus,

Aspicit à recto cum vada nostra suo.

Drusicolam gentem quid creditis urere, quando

Non sua de patriis rura tuetur aquis?

Cernit ubi in geminis per non sua pascua ripis

Lanigerum totis finibus agmen agi?

Sunt propè Phæacum silvæ nemorosaq; tempe,

Templaq; cum Consi Tolcomitana domo.

Stant non indecores in margine Regibus arces:

Nec sua regna tamen, nec sua poma videt.

Terminus est rerum: sitq; ut sincera voluptas,

Et procul invidiâ, debet habere modum.

Illustri reverendoq; admodum Dn. Gre-
gorio Borasto.

Diximus ad lumen variis errantia formis
Spectra per arctoi Regna vetusta Gothi:

Ruperunt dulcem mihi tristia visa soporem:

Nulla fuit totâ nocte vel ægra quies.

Fœmina vera tamen pro falsâ manè reperta est.

Nil fuit in lecto tale, Boraste, Tuo.

Philippo Modio

SAcra colant alii: scrupis ego ludere cogor.

Ab Venus in lusu est nulla jocusq; meo!

Excutis hoc soleâ, quo renibus oppleor imis;
 Quodq; ægre tolere sub pede, ventre gero.
 Da veniam, festas queruli si læsimus aures.
 Abrumpo gemitus spe subeunte meos.
 Temporis admoneor. Deus ecce egressus Olympo
 Ut nostra assereret gaudia, natus homo est.
 Interea dum non vacuis licet esse Poëtis;
 Perpetuumq; illi, quod meditentur, habent:
 Scis ego quid faciam? quæ fabrica surgat amicis?
 Nomen in extremis non habiture Modi:
 Quem mihi si dubitas penitis hærerè medullis;
 Dic pariter, sanctum me penes esse nihil.
 Dic me posthabitis mea querere præmia divi;
 Plusq; meas laurus, quàm coluisse fidem.
 Construo tergemini chartacea sidera Regis.
 Immensum radiis octo cohæret opus.
 In medio sedem fax abscessura papyro
 Cœpit, & est spatium machinata tuta suo.
 Fila quoq; aptavi totam versantia molem:
 Et quâ sublimis pendeat, ansa subest.
 Utq; novo cultu cœlestes præferat ortus,
 Ille vi alternis fulva metalla plagis,
 Coeruleum alternâ fudi regione colorem.
 Pars, quâ trans lucet flamma, relicta sibi est.
 Iamq; opere exacto de Regibus altera cura est.
 Collegas igitur Rex ego quero duos.
 Da dextram mihi, care Modi. Tu sceptrâ capeesses
 Proxima. Tuniger es. Rex potes esse Saba.
 Quid Tibi de Bavaro Scholiaste deinde videtur?
 Dic age, cui possit stella gerenda dari?
 Garrit hic assidue: me calculus improbus urit.
 Ut liquet, ambiguum res facit illa gradum.

Tu faculam fumes: ratione tuebimur illud.
Vulcanum gestant rectius Æthiopes.
Vise Modi, nostros in noctem extendere lusus.
Sis congerro meus, si Magus esse negas.
Sed cura, Tecum Scholiasten duxeris umbram,
Si quid me risus garrulitasq; levent.

In Prætida.

Effertur Phryne: totâ concursus in urbe est:
Auctura hanc turbam garrula Prætis adest.
Ut solet, est solâ de Phryne in funere sermo:
Prætidus unius sermo, fuisse lupam.
Non mirum, Præti, est unam maledicere linguam.
Hæc erit ad tumulum publica fama Tuum.

Mars ad Venerem.

Vir Tuus in Lemno est, aut ferrum tractat in Ætâ.
Ille mihi cudit strenuus arma faber.
Tu mihi da roseum, Venus, os & lactea colla:
Da teretes mammas, uvidulosq; sinus.
Res paret ille meas. Quæ munia negligit in Te,
Pro squallente viro miles obibo Tuus.

De Æmyliano.

Saserat annoso Iuditha proterva marito,
Sæpius ut liquidâ tingeret ora nive.
Candorem vultûs dum quæreret Æmylianus,
Candidus est mento redditus atq; genis.

De oculis Staphyles.

Defcesit Staphyle, Stygiamq; emensa paludem est.
Hanc divam, hanc Venerem jam sua busta tegunt.

Dum redeunt juvenes comitati funus amica;
Sunt qui illud, sunt hoc qui periisse dolent.
Omibi sit, quo usa est in amantes, sospes ocellus!
Vterer hac face pro Gorgone in invidiam.

Ad Perillustr. Domin. Sig. Güldenstern,
de convivio nuptiali, quod suæ familiæ
pari Elbingæ apparaverat.

PAËta Borusiaci thalamis Lechæa mariti
Esitat in mensâ sponsa bibitq; nihil:
Sed taciturna sedet. Sed nos circumspice, quotquot
His epulis Tecum consociavit Hymen.
O mihi Stellato venerandum nomen ab Auro,
Qui patriâ, quales religionem sumus?
Hic Gothus, ille Livo est: simus pars magna Borusii,
Pars è Sarmaticis maxima venit agris.
Cumq; Caledonio tractat Tua vina Britanno
Gens ea, cui patrius pocula præbet Arar.
Eccè Tibi misit Sudetica terra choraules,
Et canit ad motam Saxo Frisog; lyram.
Sunt flexu faciles Lituanâ è gente choregi:
Ducitur & Geticâ Russa puella manu.
Nunc reputa ritus, & quàm diversa sequamur
Sacra. Forvet partes maxima Roma suas.
Pars cum Luthero Monachorum exosa cucullos
Vindelicâ Fidei sanxit in Vrbe modum.
Proximus accumbit Calvino illapsus acuto,
Et Bezae fîsus Bulligeriq; notis.
Quas Trinobantigenæ postquam expolière Magistri;
Srietiùs hic mores, laxiùs ille regit.
Non absunt nostrâ Photini corte tribules.
Forsitàn & risor religionis inest.

Menon's

Mennonis est socius, cuius saltatur in Aula.

Abstinet à choreis Mennonis omne genus.

Te presente tamen concordia summa loquentum est.

Inq̃ meron nemo litigat, inq̃ choro.

Quis præstare neget, ne sit quod publica turbet

Commoda, præsentem civibus esse deos?

Puellæ maris glaciem invec̃tæ.

Q*uid non acre gelu, quid non Borealia mutant
Climata? per tremulas nuper agebar aquas.*

Nunc glacie clausi peragrantur tergora ponti,

Duraq̃ virgineum sustinet unda gregem.

Hæc maris est facies illis proba, quam negat æstas.

Et non sit, quo se ferrea jactet hiems?

In Marfiram.

S*i cœlo Andromeda est, si Cassiopæa recepta;*

Ad cœlum, dicis, nec mihi clausa via est.

Talibus exemplis cœlum si, Marfira, queris;

In cœlo pingi non habitare cupis.

Forma fragilis.

O*lim formosam, quam sex cecinere Poëta,
Post mihi ter sextâ me e videre datum est.*

Quid colimus, dixi, quid spuma quid æquoris alga

Nox implet, mulier, tam citò quæ sit anus?

Materies nostro querenda æterna labori est.

Vnde sed hæc dabitur Vatribus? unde sumus.

Iupiter cœlo deturbatus.

I*numera gentes, quas arduus adspicit æther,*

Et cœlo & sceptris deposuere Iovem.

*Si caussam vultis, sunt nunc connubia casta.
Nubitur: unius nupta sed una viri est.
Vatibus à cunctis Saturnius audit adulter.
Oderunt mœchos secula nostra deos.*

In Ponticum.

R*Em malè gessisti: quærendi copia non est,
Patrono melius quo potuisset agi.
Gessisti: ex titulo tituliq; ex lege teneris.
Si quid peccasti Pontice, culpa Tua est.*

Epithalamium N.B.

Q*uid non pœnarum duri meruere parentes?
In thalamum sponfos cogit uterq; pater.
Sponsus amat, non hanc: sed cui promiserat antè.
Sponsa dat huic, alii sed dedit antè fidem.
Ibitur ad primos illis autoribus ignes:
Nec bene sumentur gaudia vera domi.*

Anna Danæes exemplo inclusa.

E*xemplo Danæes Thomas incluferat Annam.
Invito generum legerat illa patri.
Quid miser optaret? pluvium descenderet aurum?
Inventâ repulit clave puella fores.*

**De Spectab. atq; Amplisf. viro Dn. Mich.
Siferto Cos. Elb. & conjuge ejusdem Reginâ
Coccaynâ matr. honestiss:**

A*sfidet in mensâ nobis Sifertus eâdem:
Asfidet & conjux è regione viri.
Convivæ, tacitas utriusq; attendite voces:
Ut liquidis abeant in sua vota notis.*

*Verte oculos aliò, frontem Regina remitte.
Discimus à vultu jam Tua verba Tuo.*

Aldi proxenetæ.

C*U*ltor & Eusebies, & quas didicisse decorum est.
Rerum, ex Ausoniis urbibus Aldus adest.
Ecce parat meritos illi sua Drusis honores.
Dum satis hæc constant, quid Cytheræa facis?
Fallite per patrias, si quæ transiverit, artes:
Idaliæ pueri stirps comitesq; deæ.
Luçantem auratis animum mollite sagittis.
Sed sit digna domus, dignaq; nimfa proco.
Absit, ut erretis: velamina ponite vultus.
Hæc jam pro vobis mania Pallas obit.
Creditis Eusebien illam deponere curam?
Adspicite, ut primas quærat habere vices.
Tendite vos arcum, ne se Tritonia jaçtet:
Ne sit & alterius gloria, si quis amet.

In Titium.

A*D* Titii veniunt per Sabbata limen egeni.
Omnibus ex æquo numus & offa datur.
Arcentur reliquis miseri quacumq; diebus.
Ut videt hæc nemo, sic satis ista patent.
Res est de Titio manifesta volente videri.
Quod Titius nunc est, hoc Phariseus erat.

In nugatorem.

E*S*t lixa quidam de secutis copias
Apollinares, versifex ineptior
Catulliano Cæsio, qui nec manum
Nec os habere uti Angelum omnem edisserat,

In frivolis consumitur. Res liquida est
De plurimis. Novi Angelum, qui nec manu,
Nec ore, nec membro caret valde utili
Hujusmodi, ut pater est, creandis Angelis.
Quid temporum sit in cavernis, nescio.
Sed docuit; os, manusq; nasum deniq;
Habere se, Politianus Angelus.

De Illustri Dn. Gregorio Borasto.

Ferre Borastum nescit sua patria nomen.
Tamen bona Lecheo Musa recepta sinu est.
Romam adiit, reditura tamen mansura Polonis.
Quid mirum? vetus in Sarmatiâ Latium est.

Verni temporis desiderium.

Prorue Ver placidum. Quid nos astricta morantur
Stagna, nec in liquidis remus oberrat aquis?
Non tantum excelsos operit nix algida colles:
Est etiam in pratis inferiore via.
Sit satis in mundo non invenisse, quod ipse est.
Redde mihi silvas, ingeniumq; meum.

Iusto Cæcilio Puteano Eryci F.

Iuste, quid in foribus dubitas succedere? gressum
Profer. In hac habitant Musa Charisq; domo.
Hac innecto fidem dextrâ Tibi: deinde parentis
Fœdus in egregiæ stirpis amore colo.
En patris è pluteo partem mihi sæpe loquentis
In Te qui totus nunc Puteanus adest.

In Theopompum.

Conjugis esse Tuæ nolim, Theopompe, maritus:
Nam dat rivali sponte datatq; Tuo.

Sponte

*Sponte Tibi non dat : præfenti venditur auro.
Quicquid ab infidâ conjuge noctis habes.
Quid fiet, cùm rem Theopompe impenderis omnem.
Ipsaq; noluerit? fur vel adulter eris.*

**Viro Excell: Dno. Danieli Visnero Ph.
& Med. D. Phys. Reip. Elb. primario.**

L *Imina Visneri Doctoris adite Camœna.
Dicite, quàm vacuâ sim, mancamq; domo.
Iverit ut conjux procul hinc ad tecta parentum;
Iverit ut streperus cum genetrice puer.
Me jucunda quidem captasse silentia: verùm
Poscere, Visnerus rumpat ut illa meus.*

Viri mulieribus perfectiores.

V *ivit in urbe meâ par dulce, maritus & vxor,
Mota quibus lis est: lis sed amica fuit.
Sexus uter potior? præstaret fœmina seu vir?
Hac præstare viros vir ratione probat:
Cùm supere est penis, glans est bene fusa metalli:
At secus, in plumbo si qua lacuna sedet.*

**Præstantiss: viro, Domino Michaëli My-
lio, Gymnasii Elb. Reçtori.**

P *One Tuos fascēs, præfeturâq; Lycæi
Exime Te mo dico tempore, care Myli:
Convivam excepi, cuiquamvis turba cocorum
Æstuet, à nullo mota saliva cibo est.
Te solum loquitur. Tu de Canibalibus unum
Dixeris. At nihil est. Spondeo tuta: veni.*

Anser veris auspex.


Silvarum cultor, Veris garritor, & index
Anser ab Asiaco littore rursus adest.
Deme diem, à primis ter deni abiére Calendis.
Temporis est series, quam nova Rôma dedit.
Februalux nondum est. Rem postera noverit ætas,
Ver geniale Juos anticipasse dies.

De Illustri Dno. Greg. Borasto.

Regum habitat turres, & summa negotia tractat,
Nec mecum fontes rusq; Borastus amat.
Sed me amat, & quæ sunt olim mihi condita ruri.
Quid tamen à silvis, fortè rogabat, habes?
Promtius ingenium, dixi. Responsa probabat:
Quoq; places, inquit, det Tibi porrò nemus.

De Medico circumforaneo.

Nescio quid fuerat mihi nuper Agyrta professus.
In nostrum Ottocari venerat urbe forum.
Sed duram validâ tussim relevare medelâ,
Artis præcipuum, quàm malè jactat, erat.
Fortè fatigabat tussis duo corcula nostræ
Stirpis: ad artificem curritur ergò novum.
Venit: & ipse duas immensum tussit horas.
Una fuit Medici tussis in aure meâ.
Ito domum, dixi; quid nos, Empirice, frangis?
In tussi sobolem stat tolerare meam.



LIBER VIII.

Ad Perillustr. ac Generosiss. Dom.
Sigism. Guldensternium L. B. &c.

TEmpus adest, quo se pulcherrimus ingerit annus,
Et rigidos animat sibila Chloris agros.
Est novus in nobis, rerum torpore soluto,
Impetus, & Numen pectora majus habent.
Si mea se magno commendat bruma patrono,
Hæc etiam placido sub Iove nata leget.

In popinones.

Ecce dies, gratæq; vices, & verna voluptas
Alituum longas expedire vias.
Cis mare de tumulis Garamantum arentibus adsunt.
Et Te, potor iners, fœda taberna tenet?
Nec fortasse pedem spumanti moveris obbâ,
Parvula tot fluctus cùm superârit avis.

Amor in silvis.

In silvis degit, quem vos nescitis Amorem.
Nil facit ad vestros, Libica turba, sales.
Heic tener occurrit mistus puer ille Camœnis:
Heic puerum occurrit pondè secuta Venus.
Si memini, mihi ritè novem favère sorores,
Hoc cœtu quoties digna Cytheris erat.

Lupus strangulatus.

Pendet ab hoc trunco magni vastator ovilis,
Pastorum terror, & laniena canum.

*Ite bonæ pecudes: tutæ sunt undiq; silvæ.
Quod vos & vigiles perdidit, in laqueo est.*

**Ad Magnif. & Nobiliss. Dn. Israël. Hop-
pium ProC. Elb.**

Q*ui potui Dryadas patriis præferre Napæis,
Et Pap hiiis nemorum murmur inane rosis?
Vt mihi nunc, Hoppi, Tua se topiaria jactant!
Vt placet exiguus, sed bene cultus ager!
Alcinoi hoc regnum est: illeic Aminæa recumbit
Vitis: habet medios Flora Venusq; thoros.
Vt vos allicitis silvestria Numina Faunos,
Quæ fontem salices cingitis ante fores!
Adspice, qui recto Vatis conceditur usu,
Delicium hoc ad se xystus ut omne trahat!
Hortorum facies, oculis quam sæpe requiro
Vel mediâ brumâ, quàm proba vere suo est!*

Græcæ linguæ utilitas, necessitas.

G*racæ Macer didicit: dicam Tibi, Pontice, caussam:
Possit ut integrius verba Latina loqui.
Pontice non satis hoc: plus est doctore bilingui,
Cum loquitur Christus, non opus esse Macro.*

De Gylli horto pensili.

G*yllus habet hortum pro fenestrâ pensilem:
De quo rogatus, similis est Babylonio,
Dixi: quod opus erat arduum Semiramidis.
Sed illi & hunc & huic pares mille alteros
Post alteros impegeris, nusquam tamen
In illo & hunc & tot pares huic videris.*

Specu-

Specula præ portâ forensi.

Quæ meus æstivis Borean captaverat horis
Fautor, in hac Speculâ dat Tibi, Musa, locum.
Parce per infames animum demittere somnos;
Aut levibus studiis, aut hebetare mero.
Crede Tuos montes hoc uno surgere vallo,
Hunc rivum, hunc Phæbum qui nitet, esse Tuum.

Frigilla caveâ liberata.

A Tvos, quæ liquidam latis concentibus æthram,
Et resides animos exhilaratis, aves;
Accipite hoc osculum vestra sociale catervæ,
Quo mihi nox brumæ, quo tolerata dies.
Tu caveâ, frigilla, Tuâ, quâ clauderis, exi:
Oreque collauda liberiore Deum.

In Gerardum.

Accèsti Venetam Neptuni immobilis urbem,
Porsennæ tumulos, Æneadumque domos.
Teuto es: Teutonia quas Te transisse per urbes
Afferis? Ausonia mitto, Gerarde, vias.
Ignoras? illuc seu Te carecta ferebant;
Sive alia Italia est, non vetus Oenotria.

In Marcellum.

Hostem Marcellus conspexit, & abdidit enssem.
O cives, hosti quis daret arma suo?

Fama.

Sperne rigens ferrum: dextram contemne potentem:
In Te nil Reges posse deosque puta.

*Est aliquid, quod nemo videt; quia corporis expers,
Incautos natum perdere, fama volans.*

Ad Cordulum.

S*iquid ab ungue meo gratum est Tibi, Cordule, versus
In ratione Tui; trito cave flore Maronis
Ornari Vates. Magnum Jovis incrementum,
Et divum genus, & divum pater atq; hominum Rex
Iamdudum refugit lectorum nausea. Fabris
Digna fuere suis: & tunc cum exorta fuissent,
Magnus honor! marcent eadem de pollice nostro.
Oderis hæc primum mihi cras potiora monendus.*

In Minervam.

H*oc habitu, Pallas, quali galeata minaris,
A foribus ludi corda tenella fugas.
Pone hastam & galeam: gere plenas nectare mammas:
Mustaq; de laxo da melimela sinu.
Inter scriblitas sint illita frustra butyro.
Ad ludum veniet nec bene lota manus.*

Ad Glaphyran.

Q*uod fastus hic Tuus Glaphyra? quid in vultu
Solidi, quod aut Ledan ab improbis fati
Aut Tyndarida servaverit? citò transit.
In quo locatis optimum. Quid in campo
Adeo caducum? id herbule, quod in florem
Maturuit. Morbos time, si erit lucis
Usura super. Hoc ergo Glaphyra curandum est;
Ea dum venustas oris est Tui, dum sunt,
Quos negligas, quem præferas; ut huic nubas.*

In Platonis Critian.

Ante suos populos doctas dum condit Athenas,
Mergit & in prisco Deucalione Plato;
Excitet ut rursus qualem conspexerat urbem;
Nititur historia contemnerare fidem.
Si Tibi mendaces stat profligare Poëtas,
Antè Plato debes urbe carere Tuâ.

De Macro.

Qualis templa decet, nec non & commoda lecto,
Est pia blanda meo nupta puella Macro.

Ad Mæviam.

Mæviam, conde Tuos alto sub fornice flores.
Clara scintillant astra, gelascit aqua.

In Ponticum.

Prae foribus cum stes integros Pontice Soles,
Vt videas quas res ille vel ille gerat:
Deinde & cum noctu caeli vaga sidera serves:
Cur Tibi sive aliqua est, seu spatiosa domus?

Pueri restim ductantes.

Signa quid ingredimur spondentia Veris honorem?
Quid captamus aves, temperiemq; Iovis?
Ecce Tibi in molli restim ductantia prato
Agmina: quos Zephyri depulit aura foco.
Quod missura foras extincto dixerat igne
Mater, idem dicunt omnia: cessit hiems.

D

Guidoni

Guidoni Clusio.

Alba Paratonia regressa ciconia portu
Antiquos habitat nota per arua Lares:
Grata locis riguis, cum pectore candida toto est:
Quod sitiunt colles, hoc stipulata minus.
Illam ruris amor nostri tenet, optime Clusi:
Et teneri spernat tempora Veris homo?

Ad Musam.

ERipe Te latebris: in rura venusta ruamus,
Musa: quid obscuro sub Lare mœsta sedes?
Hauferit integrius verno sub fidere cœlum,
Atq; suo vivat more Poëta Tuus.
Dum placidi rauco decurrunt murmure rivi,
Et violam tellus, quam Tibi donet, alit.
Gaudia sumamus, volucrumq; canora secuti
Oscula rurestres concelebremus opes.
Quem nunc bruta negant animalia posse taceri,
Summa mei fiet carminis iste faber.

Nuptiis N. Memmii.

SParge nuces, Memmi: Tibi nubit anicula mordax.
Sparge per excelsos, quâ solet ire, gradus,
Ut ruat, inq; Orcam lapsu descendat eodem;
Tollitur, officium Te faciente Tuum.

Perillustri Dno. Sigism. Guldensternio.

Viginti violas in aprico colle repertas
Indicium iusti nobile Veris habe.
Ipse manu legi: Stellæ qui gestat & Aurum
Tam raro, dixi, munere dignus erit.

*Sed quò ne Etareum properè libàris odorèm,
Maxime vir, chartâ Tebreuiore moror.*

Erico Lofio.

Est mihi Præturâ cerevisia condita primâ.
Hanc hodie relinet Cathrula, noster amor.
Care Lofi, primos stat Tecum haurire liquores.
Si Cererem spernis, Gnosia vina dabo.
Sunt ea muneribus mihi missa potentis amici.
Miserat huic Idæ Cres potiore jugo.
Duc Tecum hunc hominem, qui cum mihi vivere dulce est:
Qui mea scripta tamen ceu Iovis arma timet.
Nec me laudâris, nec me culpa veris, inquit:
Sed neq̃, sim versûs pars quotacumq̃ Tui.
Non semper Vates animum promittitis æquum:
Sæpe latens in se carmina virus habent.
Hæc mihi, care Lofi, numquam non jactat ad aures.
Esse satis dictum, Tu mihi testis eris.
Ille nihil questus, cùm quod quereretur abesset,
Adspicis, ut nostram damnet ab arte fidem?
Si quid habent artes, quod non admiseris ultro;
Dic mihi, quid studium quod profitetur, olet?
Tu fac, ut hæc sumto texetur tela Falerno;
Ne metuat, nil non carminis esse mei.
Nam quid in heroum profusa est sepia laudes,
Nusquam cantatis, quos mihi junxit amor?
Sed sileo nomen, quia jusserat ille sileri.
Vt ducas, notum sufficit esse Tibi.

Nicol. Olbio Hesso, Med. foll.

Olbi, quid fiat nostris in valle pyropis
Negligimus: muscum nobilis Argus habet.

*Instrumenta jacent gemmis & caute levandis:
Septima quæ messis, septima condit hiems.
Sed mora tuta fuit: ne tantas iret in artes
Quæ nostrum rabies plebis hiabat opus.
Iam pueri plenus pendebat tergore saccus
Gemmarum ex agris grande ferentis onus.
Sudabat tacitus scrupis lithoglypta quadrandis,
Proq; Iovis Celmo fex adamantis erat.
Risimus: & nostrum semper celavimus Argum.
Ipse jacet vulgo spretus inersq; lapis.
Olbi, dum vigor est, dum cælum vernat, eamus
Visere, quas videat nemo profanus opes.*

**Præstantissimo viro Domino Michaeli
Mylio G. E. Rectori.**

Q*uid de Poëtis sentiam, Myli optime,
Idem eruditæ Gymnados pars maxima;
Qui filiam ne nominent Agenoris,
Bovemq; Cretæum, genusq; Tyndari,
Etiam anxie cavent, amantes plurimum
Illud videri, quod fuisse Euagrius
Fertur, fuitq; Paullus atq; Antonius
Thebaidos hic & ille cultor entheus;
Subinde quæris: proinde paucis accipe.
Nihil, nihil nec succi habent Poëtici,
Nec amœnitatis, sobrii almâ in copiâ,
Minutuli, paresq; pipionibus
Pullosq; graculi, inficeti in omnibus:
Calamo pudici, arrectiores bubalis
In contubernio suarum conjugum
(Ne quid lupas etiam occinamus amasias)*

Quibus

Quibus nigrum est, quod fortè non intelligunt.
Horum tabernas cautus emtor transi:
Ab his fabellis nemo Vates cuditur.
Via regia est ad Theologorum pollices;
Si præstat, ut par est, à Deo querere.
Quàm adorea Regum triumphos prosequi.
Quorsum libri nullius horum compotes,
Tractantium remora magis quàm lampades?
O vana corda Acheloidas fugientium
Syrtibus ut incidant! Quis ad superum domos
Poëta nisi Maronis aquilâ vectus est?

In Codrum.

Cum quererem ex Codro, famene palleat,
An maceat invidia; merâ, dixit, fame.
Phy nescias me semper esse famelicum?

In Eumdem.

Ut ne molestus esset improbum genus
Animatum vel birriens canis, parum
Objeceram offula: repente exceperat
Codrus Molosso exasperato divior.

Apiculæ Veneri insidentes.

O Re deæ, puris cui lucent ignibus aræ,
Vna sedet, digitos altera pungit apes.
Tertia inest tenero pede, quarta sed inguine diva:
Depicta est horto qualis, Erice, Tuo.
Talibus ô membris morderet apicula vivas!
Talibus in membris, quo percamus, habent.

Sol inter turbines pluviasq; in mari
occultatus.

Littera nigrescunt: superat Iove prorutus imber:
Et quatit exigua magna procella ratem.
Fidite vos socii: viset sua pignora Phœbus:
Qui solâ potat nos Heliconis aquâ.

Manibus piis Excellent. & Clariss. Dni.
Georgii Lothi Ph. & Med. D. Archiatri Electoralis
Brandenburgici, Facultatis Med. in Acad. Regio-
montanâ Senioris &c. amici incom-
parabilis.

O Mibi mansurum, si non vitalia Clotho
Vincula rupisset, concordi fœdere nomen
Lothe decus Phœbi geminato munere, quâq;
Hippocratis Coi, quâq; arma canentis Homeri,
Sicne jaces? Sive hoc facinus fatale sororis
Tergemina est, seu Te summo jam debita cœlo
Exemit pietas extremâ sorte bonorum,
Flebilis occumbis non tantùm nostra colenti
Sacra gregi; deflent etiam Tua funera Reges.
Ausâ Machaoniæ violentum avertere lethum,
Ausâ sed incassum torpent collegia turbæ
A gemitu! doctusq; arcana reddere voces
Thespiadum sacris Helicon immugit antris.
In nova Prægorides totam lamenta vocârunt
Insteran: & querulus se plenius intulit Alla.
Citra Pasoridas nostris audivimus undis
Sub Pogiæ scopulis, per regna antiqua Pomesi;
Et Drusi nimfas & complorâsse Nogedi,
Dum ruerent tumidi sed non à fontibus amnes.

Quid

Quid miseri Superum decreta laceessimus ausi
 Optandas damnare vices? ô tale sequamur
 Depositum cœli sua rursus ad astra relatum!
 Interea donec nostri non indiga cultus
 Mistaq; pars dirvis positas tellure reposcat
 Exuvias; vos ferta deum, quibus ille revinxit
 Emeritum caput, apricæ laurusq; ederaq;
 Ad tumulum Vatis de cespite surgite primo:
 Et violæ, ac Paphii latè spargantur odores:
 Cumq; maritatâ pinus superincubet ulmo,
 Arborei foetus: quos ferre Lycaonis Ursa
 Novit, & egelidæ numquam læsere pruina.
 Hi super hoc busto natis in aperta Poëtæ
 Præmia defendent hiemalia frigora lauris.
 Nos genus Aonium solvemus justa quotannis.

In urnam Ennii Poëtæ.

Creditis? egregiâ Calaber jacet Ennius urnâ,
 Postq; rogos fruitur Scipio vate suo.
 Vana fides. Mansit longo post tempore sœpes,
 Redditus est donec per sua membra lacer.
 Pars minor ex aliis monumentis eruta prostat.
 Ex hoc pars tumulum maxima Vatis habet.

De anu.

Cauponam intravi, tumidus quâ Vistula nostras
 Auget aquas. Vt nos hospita vidit anus,
 Excepit querulans; dentes patuere loquentis.
 Tres modo primores, nec super ullus erat.
 Vt risum elicerem, fuêritne puerpera quero.
 In risu dentes exspavit illa duos.

In

In submersione periculo.

Mergite me ponto dī quorum Numina læsi:
Si mihi proposui criminis esse reus.
Si merui pœnam, nec pœna remissa precanti est,
Per sua quem vester tempora fovit amor.
Sed jam victrices in me ratis hauriat undas.
Si pelago Vates promeruere mori.

In Philippum.

Pœta sum, Philippe: nec sit amplius,
Quod dicar. At Tu? si Tibi fur auferat
Argenteum marsupium; non hoc erit,
Quod Tibi Themistos de sacrario arrogas.
Quid? nec scholastici magister pulveris
Vel infimorum missus ad subsellia.

De duabus sororibus.

Semper edunt lepores Instina sororq; Beatrix.
Quid faciunt artes, si Cytheræa fugis?

Sceleti toreuma.

Qvisquis homo spernis viventum voce doceri,
Adspice cum Phariâ gente toreuma necis.

Piscatio.

Egredimur silvis: Diana canesq; valet.
Pontigenam sequimur stagna per alta gregem.
Vos manus una virum date plano retia fundo:
Vos alii prædam querite sub scopulis.
Huc abeant sacci prætensaq; lintea saccis.
Mittetur Patribus carpio, cinca fabris.

De oleâ.

Inter amicitia nec prima nec ultima mensas
Symbola, Pancratii quæstio nata domi est.
Stirpibus in lætis nemorum quæ filia regnet?
Pinus an in decus hoc, an Iovis arbor eat?
Seu coryli pueris gratæ, seu grata satiæta
Panibus, aut maculis nobile præstet acer?
Quid possim, teneras cui fraxinus explicet umbras,
De mihi tam caro stirpe probare? rogant.
Anguibz exitio est, inquam: clarissima sunt hæc
Germina, quæ populos munere pacis alunt.
Non illo patriæ celebrantur termite silvæ,
Nec patitur Geticum mitis oliva gelu.
Robora sunt pecori victum præsentia nostro:
Commoda sed nobis Palladis arbor abest.
Sic ego, cum possent mea tempora pessima dici,
Truxq; lacestitos miles obiret agros.

Ablactatio Isaaci, & ejectio Ismaëlis.

Ubere depositum cum Sara cibaret Isacum,
Inciperet solidas cum puer e, e dapes;
Prandia convivis genialia fecit Abramus.
Res è divinis est manifesta libris.
Nil potuit simplex, nil non regale videri.
Si rectè exigimus; mille fuere viri.
Qui validos duxit tercentum in prælia vernas;
Certum est, hunc pueros hunc aluisse senes.
Nutrit & plures Agarâ Nilotide servas
Partem ancillantis præsidiumq; gregis.
Escole cum Mambrâ vicinis usus amicis
Iussit & hos festis hospes adesse suis.

Quis solos venisse putet? venere ma ritæ
 Et famulæ sexu cum famulante viris.
 Cumq; prope augustam pecus illi erraret Hebronem,
 Iunctisq; officio civibus esset opus;
 Deinde Geraræo pactus cum Rege tenellum
 Per juga Bersabeæ pasceret agmen oves;
 Tercentum Proceres hæc in convivio traxit:
 Estq; sui quemvis turba secuta Laris.
 Dux Abimelecho sedit cum Rege Phicoles.
 Hinc Hebrone Patres, inde Gerare sati.
 Non deerat lautis vitulina domestica mensis:
 Bubulaq; in pandis lancibus assa fuit.
 Seu teneri mallerent satiari carnibus hædi,
 Sive agno vesci; misit utrumq; cocus.
 Venatum egressi nunc hic nunc ille minister
 Ad dominum vacuâ non rediére manu.
 Hic damam, aut volucrem transfixit arundine cervam;
 Egit in hinnulos ille onagrosq; canem.
 Si locus aucupio, siq; hoc ea noverit ætas;
 Alter in incautas tela tetendit aves.
 Sive sub occultos pellexerat area casses,
 Improbadeceptum prodidit esca gregem.
 Heic niger incubuit tetrrix, heic Phasidos ales:
 Illeic perdices, heic jacuere grues.
 Rara quidem Escolei pisces obsonia fundi.
 Perpetuus totum collis obibat agrum.
 Inde procul Iordanis erat: sed valle sub ima
 Muneris hoc habuit fossa vel alta palus.
 Gaudent limoso nonnulli gurgite pisces.
 Hinc quæ prima datur carpio præda, data est.
 Rupe sub oppositâ, quæ mœnia sustinet urbis,
 Vicinam rapidus permeat amnis humum.

Torrenti jactas implevit bdella fagenas :
 Pinguis ab hac ipsa gobio venit aqua.
 Nec nimium multis distabat passibus æquor,
 Ac missura suas urbs prope littus opes.
 At si Bersabeæ polluxit egentis aquarum,
 Quam passim in venis quæritur unda suis :
 Quis de squamigeræ promiserit agmine gentis ?
 Venit : at æquorei venit ab urbe Syri.
 Pinsuit, & dulces formavit Sara placentas :
 Mel quoque cum butyro caseolisque dedit.
 Credimus, in lætas auctumni distulit horas.
 Tunc mora & fici, tunc pyra, poma, nuces.
 Tunc gravidam pleni pendent de vite racemi,
 Inque dape inveniunt Bacchica dona locum.
 Escolis ad fontem cum prisco exite Calebo :
 Vicenis botryo est unus abunde viris.
 Dulce merum Patres hausere sub arboris umbrâ :
 Ardua seu quercus, seu terebinthus erat.
 Numinis in cultum per sacra silentia missus
 Thariades fundo sevit utroque nemus.
 Tota sub arbustis villarum septa latebant :
 Quodque daret frundes, hoc erat ante fores.
 Nec labrusca suo nec vitis honore carebat
 Vtmo dilectæ juncta docente Noë.
 Quin & splendidulis erat ambitiosa corymbis
 Solis ad oppositum pergula versa jubar.
 Namque sub admissis vitare Aquilonibus Austros
 Talibus in caveis instituistis avi.
 Ipse deos inter sedisse sub ilice fertur.
 Verior ut fama est, ilicis umbra fuit.
 Discite, quid præstent Vatum solatia silvæ.
 In silvis fruitur mens propiore Deo.

Casta decent silvas: silvarum arcana petamus.
 Præfuit hæc silvis, quæ dea casta fuit.
 Illa suas comites castum servare pudorem
 Iussit, & incestas se procul esse lupas.
 Nescio quid tacitis insit penetrabile silvis.
 Absuit ingenio, quod mihi silva dedit.
 Secreti vulgo sanctisq; furoribus acti
 Ætherias sequimur, quæ patet ipse, vias.
 Exemplo veterum nemorosa sub arvia Vatum
 Mittimur. Hic meus est, hæc docuisse, labor.
 Attamen injussos Tibi ne sit fingere cultus:
 Si nemorum est alibi plus satis auctus honor:
 Si Dodonæas celebrant oracula quercus,
 Si sacer hic Phœbo saltus, at ille Iovi.
 Cæca superstitio postquam deserverat usu,
 Cuiq; suos nemori credidit esse deos.
 Pecit & arboribus sacrum discrimen in ipsis.
 Æsculus huic, illi propria myrtus erat.
 In varios abiit divisa licentia ritus,
 Et stitit in placitis fasq; nefasq; suis.
 Tamtum pervigili juvet interponere Baccho.
 Adspice, quæ positos imbuat uva cados.
 Purpureum vini contendo fuisse liquorem.
 Non alium tellus fert Cananæa botryon.
 Longè aberat mustum. quorsum mea protulit ætas,
 Ut relinat succum, quo perimatur homo?
 Ex auro bibitum est: aurum Chaldæus habebat.
 Quem non hoc fœtæ vos cumulastis oves?
 Pocula quæsitum est qui fundat & illa recondat.
 Dixit herus famulis: Hoc Eleasaraget.
 Venerat, & pastas in valle reliquerat agnas.
 Inter Hebronitas aut prius orsus iter.

Illi præcipuè (neq; enim præstantior alter)
Mambræi fuerat tradita cura gregis.
Forſitan admonuit: Tenuiſti ſceptra Damafci:
Fac, here, ſit lux hæc nomine digna Tuo.
Adde quodd inuitas, quorum conſedimus agro;
Rexq; loci eſt idem, qui Tua tecta ſubit.
Nulli juſtitia nulli pietate vel armis
Ceſſurus noſtrum fœdus inire parat.
Talia credibile eſt dominum auſcultaffe monenti.
Multa Damafcenus geſſerat inſtar heri.
Quamlibet & promptum flammis adolere penates
Antè foret, ſed nec deſoret ampla penus:
Acceptum monitoris erat ſuccedere punctum,
Ac aliquem in ſaſtis hanc poſuiſſe diem.
Si placet auguſtæ telam percurrere lucis,
Et letum aſſertæ dicere noctis opus:
Sermo fuit varius, ſed ab agnis cœptus & arvo
Miſit ad ætherias corda diſerta faces.
Qui medium cœli diſtinguat balthæus orbem,
Diſcere ab Aſtrologi res erat ore ſenis.
Primus hic incluſit domibus vagafidera certis,
Et Syrios docuit Marmaricosq; Patres.
Plana quidem tellus nec non liquidiſſimus æther
Aſtra ſui quâvis parte videnda dabant.
Temperies æterna loci promoverat artem:
Vt populi ſcirent, hic tamen autor erat.
Materiem nox ipſa dedit: fulſère Planetæ,
Et depreſſa Syro Mænalis Vrſa polo.
Pleniùs illuxit tunc primùm Orionis aſtrum,
Inq; genu Idæi Pleias orta bovis.
Inde coruſcantem circumſpexère Canopum,
Et Cycnum, & ſtellas Caſſiopea Tuas.

Ac pariter Boreæ deprensa Corona Notiq;
 Cognitaq; Æmonia candida signa ratis.
 At si nominibus res nondum innotuit illis,
 Hic modus & series norma docentis erant.
 Tradidit banc rudibus sic ipsa edocta Pelasgis
 Gens Pelusiaca relligiosa Phari.
 Si porro exquiras, sic cœlum ab origine pinxit,
 Quæ cunis Abrahæ nobilitatur humus.
 Dulce, per astrigeram monstrato tramite molem
 Isse, nec erranti quæq; notasse manu.
 Omnis ab Assyrii digito conviva pependit,
 Resq; est in sapido longius acta mero.
 Si qua fides, pueri quintus memoratur Isaci
 Extremos annus tunc habuisse dies.
 Ismaël infelix, qui vix libaverat urvam,
 Mane novo hei patrio limine pulsus abit!
 Viderat in mensâ fratrem cum patre sedentem
 Sumere de Regis fercula sepe manu.
 Da simul accumbam, genitor carissime, dixit:
 Hoc ego, quod dederas, non potiora rogo.
 Cur neq; nunc lateri jungar spes prima paterno?
 Sortis & in primâ sit mihi sorte nihil?
 Vox ea movit heram, movit cùm sede negatâ
 Mitteret in fratrem stirps Agarena probrum.
 Inde novercales arserunt protenus iræ:
 Et sedes Agara est quærere iussa novas.
 Protensus emigra: Tecum Tuus exeat, inquit,
 Filius: à regnis exulet ille meis.
 Dulce sibi nomen quod sumserat antè parentis
 Odit, & infestum plena furoris habet.
 Nec multum matrem est puerumq; morata gementem.
 Qualis in hoc sexu est, haut tenet ira modum.

Heferit

*Hæserit Abramus: mandata fuere Tonantis.
Sic vir herus dixit: Res Tibi habeto Tuas.
Exiguam Cererem pariter dedit ire coactis,
Et fontis laticem: nec satis iste fuit.
Qui tot in heroas famulosq; profusus habebat
Amplius ut conjux quod daret atq; pater;
Durus utriq; fuit. Dic exegisse ministram:
Nec præstet titulum conjugis emta prius:
Ad steriles puer est suboles dimissus arenas,
Non pecus, aut fruticem, non aditurus aquam.
His Abrahæ gestis pars intertexuit annum:
At causam nostræ non habuere parem.
Sed neq; bis decimam messem puer Ismaël egit.
Maternâ stratus dicitur esse manu.
Ipsum humeris Agaræ dextrâ patris esse repostum,
Afferit, & nullo codice textus abit.
Hinc quoq; lætentis quinquennia demit Isaci
Calculus: hic minor est: grandior ille fuit.
Finge tribus saltem majorem haud pluribus annis:
Iam duci poterat, matris & ire comes.
Aut onus hoc Agaræ non hæsit tergore matris,
Aut minor ad solidos mittitur antè cibos.
Tusculæ, cui fictus terit altum limen amicus,
Nec vicina domus sed peregrina placet:
Quòd nihil impensæ cognato in sanguine ponis,
Hoc Tibi Thariadæ dicis inesse senis.
Improbe, quòd furor hic? non hæc Te exempla tuentur:
Non ea quæ Superùm jussa sequaris, habes.
Non erat iste pater puero non de fore Numen,
Hacq; oritura domo maxima corda ducum.
Huic Deus autor erat: Te lex æterna cõercet.
Pane Tuo debet gens Tua pauper ali.*

Paruit

Paruit in prolem iussus distringere ferrum.

Dic mihi, cui sint hæc nunc imitanda patri?

Sed quò progredimur? positas excessimus aras.

Hoc opus est longum, non Epigramma dare.

De Batavis.

O*dit Pythagoras Batavorum prandia. quare?*

Sæpe vorat coctam turba Batava fabam.

Et tamen illorum damnavit Cypria mensas.

Lactucas etiam Belga frequenter edit.

De laureâ Poetarum.

A*lternâ Vatum nectatur laurea myrto.*


Qualis pura data est, hanc Tibi Cæsar habe.


Ad Fagium.


Q*uære Tuas, Fagi, Laurus Heliconis in antris.*


Vatibus egregiis vendit Apollo nihil.


FINIS.
















Biblioteka Jagiellońska

